

Na osnovu Poglavlja IV Odjeljak /A/, clana 23., Poglavlja VIII clan 62. Ustava Bosansko - podrinjskog kantona Goražde, ("Službene novine Bosansko - podrinjskog kantona Goražde", br.8/98), Skupština Bosansko - podrinjskog kantona Goražde, na sjednici održanoj dana 10.06.2003.godine, *u s v o j i l a j e*:

**AMANDMANE XIX - XLV
NA USTAV BOSANSKO - PODRINJSKOG KANTONA GORAŽDE**

AMANDMAN XIX

Clan 1. mijenja se i glasi:

"Bošnjaci, Hrvati i Srbi kao konstitutivni narodi, zajedno sa Ostalima, i gradani Bosansko - podrinjskog kantona Goražde, koji je sastavni dio Federacije Bosne i Hercegovine i suverene države Bosne i Hercegovine, odlucni da osiguraju punu nacionalnu ravnopravnost, demokratske odnose i najviše standarde ljudskih prava i sloboda, ovim donose Ustav Bosansko - podrinjskog kantona Goražde".

AMANDMAN XX

Clan 3. mijenja se i glasi:

Sastav svih organa u Bosansko - podrinjskom kantonu Goražde i opcinama Bosansko - podrinjskog kantona Goražde osigurava zastupljenost konstitutivnih naroda zajedno sa Ostalim u skladu sa popisom stanovništva iz 1991.godine do potpune provedbe Aneksa 7. Dejtonskog sporazuma.

AMANDMAN XXI

Clan 4. mijenja se i glasi:

"Bošnjaci, Hrvati i Srbi kao konstitutivni narod, zajedno sa Ostalima i gradani Bosansko - podrinjskog kantona Goražde, ostvaruju svoja suverena prava u državi Bosni i Hercegovini, Federaciji Bosne i Hercegovine i Bosansko - podrinjskom kantonu Goražde, u skladu sa Ustavom Bosne i Hercegovine i njegovim ANEKSIMA i Ustavom Federacije Bosne i Hercegovine i njegovim ANEKSOM i ovim Ustavom".

AMANDMAN XXII

U clanu 8. stav 1. mijenja se i glasi:

"Službeni jezici Bosansko - podrinjskog kantona Goražde su: bosanski jezik, hrvatski jezik i srpski jezik."

"Službena pisma su: latinica i cirilica".

AMANDMAN XXIII

Clan 21. mijenja se i glasi:

Skupština Bosansko - podrinjskog kantona Goražde je jednodomno predstavničko tijelo sastavljeno od 25 (dvadesetpet) poslanika. Izbor poslanika u Skupštini Bosansko - podrinjskog kantona Goražde provodi se u skladu sa Izbornim Zakonom Bosne i Hercegovine.

Mandat poslanika u Skupštini Bosansko - podrinjskog kantona Goražde traje cetiri godine.

AMANDMAN XXIV

U clanu 23. tacke c.d i h. se brišu, a tacka n. mijenja se i glasi:

Potvrđuje izbor kandidata za Predsjedavajućeg i Zamjenike predsjedavajućeg Skupštine Bosansko - podrinjskog kantona Goražde i vrši izbor i imenovanje drugih funkcionera Skupštine Bosansko - podrinjskog kantona Goražde u skladu sa Zakonom i Poslovníkom Skupštine.

AMANDMAN XXV

Clan 24. mijenja se i glasi:

Skupština Bosansko - podrinjskog kantona Goražde, donosi Poslovník kojim se uređuje način rada Skupštine Bosansko - podrinjskog kantona Goražde.

Skupština zasjeda javno izuzev u slučajevima kada je to predviđeno njenim Poslovníkom. Izvještaji o zasjedanjima i donesenim odlukama se objavljuju u sredstvima javnog informisanja.

Klub poslanika konstitutivnog naroda formira se uz uslov da postoji najmanje jedan poslanik tog konstitutivnog naroda u Skupštini Bosansko - podrinjskog kantona Goražde.

Svaki klub poslanika predlaže jednog kandidata iz reda svojih članova za izbor na mjesto predsjedavajućeg, ili zamjenika predsjedavajućeg kojeg potvrđuje Skupština Bosansko - podrinjskog kantona Goražde.

Skupština Bosansko - podrinjskog kantona Goražde potvrđuje kandidate u skladu sa svojim poslovníkom. Ako jedan konstitutivni narod nije zastupljen u Skupštini Bosansko - podrinjskog kantona Goražde jedno od mjesta zamjenika predsjedavajućeg ostaje upražnjeno.

Tri kandidata koje potvrdi Skupština Bosansko - podrinjskog kantona Goražde odlucuju između sebe ko će biti predsjedavajući.

Izuzetno od odredbi iz prethodnog stava u slučaju da u Skupštini Bosansko - podrinjskog kantona Goražde, nema poslanika druga dva konstitutivna naroda Predsjedavajućeg potvrđuje Skupština Bosansko - podrinjskog kantona Goražde.

AMANDMAN XXVI

Clan 25. mijenja se i glasi:

Poslanici u Skupštini Bosansko - podrinjskog kantona Goražde, ne podliježu kivicno pravnoj, ni građansko pravnoj odgovornosti za radnje koje cine u okviru svojih dužnosti u Skupštini Bosansko - podrinjskog kantona Goražde.

AMANDMAN XXVII

U članu 28. stav 2. tačka d., i stav 3. se brišu.

AMANDMAN XXVIII

Iza člana 28. dodaje se novi naslov i članovi 28a i 28b koji glase:

"MEHANIZAM ZAŠTITE VITALNOG NACIONALNOG INTERESA"

Član 28 a:

Lista vitalnih nacionalnih interesa koji se štite u Bosansko - podrinjskom kantonu Goražde indenticna je listi sadržajnoj u članu IV. 5. 17a. Ustava Federacije. Klubovi iz člana IV. 5. 17. a. Ustava Federacije su u Skupštini Kantona klubovi poslanika formirani u skladu sa članom V.2.7. stav 2. Ustava Federacije.

Ako više od jednog predsjedavajućeg ili zamjenika predsjedavajućeg zakonodavnog organa Bosansko - podrinjskog kantona Goražde tvrde da neki zakon spada u listu vitalnih interesa utvrđenih u članu IV. 5. 17. a. Ustava Federacije, za usvajanje takvog zakona potrebna je:

- većina glasova unutar svakog od Klubova konstitutivnih naroda zastupljenih u Skupštini Bosansko - podrinjskog kantona Goražde.

Predsjedavajući i zamjenici predsjedavajućeg zakonodavnog organa Bosansko - podrinjskog kantona Goražde dužni su da u roku od sedam dana odluče da li neki od zakona, propisa ili akata potpada pod listu iz stava 2. ovog člana.

Ako samo jedan predsjedavajući ili zamjenik predsjedavajućeg tvrdi da zakon, propis ili akt potpada pod listu vitalnih interesa, dvotrecinska većina odgovarajućeg kluba jednog od konstitutivnih naroda Skupština Bosansko - podrinjskog kantona Goražde može proglasiti da je riječ o pitanju sa liste vitalnih nacionalnih interesa.

Član 28 b:

U slučaju da dvotrecinska većina jednog od klubova konstitutivnih naroda u Skupštini Bosansko - podrinjskog kantona Goražde odluči da se neki zakon, propis ili akt odnosi na vitalni nacionalni interes, za usvajanje takvog zakona, propisa ili akta potrebna je većina glasova unutar svakog kluba konstitutivnih naroda zastupljenih u zakonodavnom organu Bosansko - podrinjskog kantona Goražde.

Ako se većina iz stava 1. ovog člana ne može postići, pitanje se prosljeđuje Ustavnom sudu Federacije Bosne i Hercegovine koji donosi konačnu odluku o tome da li se dati zakon, propis ili akt odnosi na vitalni interes konstitutivnog naroda.

Ustavni sud Federacije u slučaju iz ovog člana postupa na način predviđen u članu IV.6.18.a. Ustava Federacije

Ako Sud odluči da se radi o vitalnom interesu, zakon, propis ili akt se smatra ne usvojenim, te se dokument vraća predlagacu koji treba pokrenuti novu proceduru.

U tom slučaju predlagac ne može podnijeti isti tekst zakona, propisa ili akta.

U slučaju da Ustavni sud odluči da se ne radi o vitalnom interesu, zakon, propis ili akt se smatra usvojenim / usvaja se prostom većinom glasova.

AMANDMAN XXIX

Članovi 30.,31. i 32. se brišu:

AMANDMAN XXX

Clan 33. mijenja se i glasi:

Konstitutivni narodi i pripadnici Ostalih bice proporcionalno zastupljeni u Vladi Bosansko - podrinjskog kantona Goražde.

Takva zastupljenost ce održavati popis stanovništva iz 1991.godine do potpune provedbe ANEKSA 7 u skladu sa clanom IX. 11. a. Ustava Federacije.

Kandidata za mjesto Premijera Bosansko - podrinjskog kantona Goražde imenuje predsjedavajući Skupštine Bosansko - podrinjskog kantona Goražde uz konsultacije sa zamjenicima predsjedavajućeg. Izuzetno, u slučaju da nije moguće izvršiti izbor zamjenika predsjedavajućeg Skupštine, kandidata za mjesto Premijera Kantona imenuje predsjedavajući Skupštine. Kandidat za mjesto Premijera Bosansko - podrinjskog kantona Goražde predlaže ministre. Ministri nemaju zamjenika.

Premijer i ministri cine Vladu Bosansko - podrinjskog kantona Goražde. Vladu Bosansko - podrinjskog kantona Goražde potvrđuje Skupština Bosansko - podrinjskog kantona Goražde vecinom glasova.

Vlada Bosansko - podrinjskog kantona Goražde preuzima dužnost nakon potvrđivanja od strane Skupštine Bosansko - podrinjskog kantona Goražde.

Sve odluke Vlade Bosansko - podrinjskog kantona Goražde donose se prostom vecinom glasova prisutnih koji glasaju.

AMANDMAN XXXI

Iza clana 33. dodaje se clan 33 a. koji glasi:

Premijer Bosansko - podrinjskog kantona Goražde nadležan je za:

- a) predstavljanje i zastupanje Kantona u zemlji i inostranstvu;
- b) zakljucivanje ugovora i drugih akata kojima se preuzimaju prava i obaveze za Kanton do iznosa od 500.000,00 KM (*petstotinahiljada* KM), s tim da se za ugovore veće vrijednosti od 500.000,00 KM (*petstotinahiljada* KM) i ugovore iz oblasti međunarodne saradnje mora pribaviti saglasnost Skupštine;
- c) podnošenje zahtjeva Ustavnom sudu Federacije i Ustavnom sudu Bosne i Hercegovine,
- d) razmatranje izvještaja ombudsmena i drugih međunarodnih organizacija za ljudska prava obezbjeđuje preduzimanje potrebnih mjera u zaštiti ljudskih prava i sloboda;
- e) obezbjeđivanje saradnje sa organima Bosne i Hercegovine i Federacije;
- f) imenovanja i smjenjivanja utvrđena ovim Ustavom i zakonima;
- g) predlaganje donošenja propisa iz nadležnosti Skupštine;
- h) predlaganje budžeta Kantona i instrumenata neophodnih za njegovo izvršavanje;
- i) predlaganje mjera ekonomske i razvojne politike Kantona,

- j) potpisivanje akata kojima se vrši proglašavanje Ustava i zakona;
- k) vršenje drugih poslova utvrđenih ovim Ustavom i drugim propisima Kantona.

AMANDMAN XXXII

Clan 34. mijenja se i glasi:

Ministri su odgovorni Premijeru i Skupštini Bosansko - podrinjskog kantona Goražde.

Premijer je takode odgovoran Skupštini Bosansko - podrinjskog kantona Goražde.

Ministri snose krajnju odgovornost za rad svojih ministarstava. Vlada Bosansko - podrinjskog kantona Goražde podnosi ostavku ako joj u bilo koje vrijeme Skupština Bosansko - podrinjskog kantona Goražde izglasa nepovjerenje.

AMANDMAN XXXIII

U članu 35. stav 1. tacka d. mijenja se i glasi:

Nadzor nad kantonalnom policijom.

U članu 35. tacka f. mijenja se i glasi:

Osiguranje da nacionalna struktura policije odražava nacionalnu strukturu stanovništva Kantona i Općina u sastavu Kantona sa popisom stanovništva iz 1991.godine, do potpune provedbe Aneksa 7. Dejtonskog sporazuma.

U član 35. stav 2. se briše.

AMANDMAN XXXIV

Clan 37. mijenja se i glasi:

Premijer i članovi Vlade Bosansko - podrinjskog kantona Goražde, neće biti građanski odgovorni za bilo koji postupak izvršen u okviru njihovih dužnosti u izvršnim organima Bosansko - podrinjskog kantona Goražde.

AMANDMAN XXXV

Clan 39. mijenja se i glasi:

"Sudska vlast u Bosansko - podrinjskom kantonu Goražde je samostalna i nezavisna od izvršne i zakonodavne vlasti i vrši se na osnovu Ustava Bosne i Hercegovine, Ustava Federacije Bosne i Hercegovine, Ustava Bosansko - podrinjskog kantona Goražde i zakona".

Visoko sudsko i tužilačko vijeće Federacije Bosne i Hercegovine osigurava samostalnost, nezavisnost, nepristrasnost, stručnost i efikasnost sudske i tužilačke funkcije u Federaciji. Nadležnost Visokog sudskog i tužilačkog vijeca između ostalog uključuje imenovanje, vođenje disciplinskog postupka i smjenjivanje sudija".

Konstitutivni narodi i pripadnici ostalih bice proporcionalno zastupljeni u kantonalnim i općinskim sudovima. Takva zastupljenost će odražavati popis stanovništva iz 1991. do potpune provedbe ANEKSA 7 u skladu sa članom IX.11. a. Ustava Federacije.

AMANDMAN XXXVI

Clan 45. mijenja se i glasi:

"Sudije Kantonalnog suda, uključujući i predsjednika suda, odabira, imenuje, provodi disciplinski postupak i smjenjuje Visoko sudsko i tužilačko vijeće Federacije u skladu sa Zakonom".

"Sudije Kantonalnog suda, osim rezervnih sudija, imenuju se doživotno, osim ako ne podnesu ostavku, ako se ne penzionišu ili ne budu s razlogom smijenjeni od strane Visokog sudskog i tužilačkog vijeća u skladu sa Zakonom Federacije. Sudijama Kantonalnog suda isto tako može izuzetno prestati sudijska funkcija kao rezultat i proces odabira nakon reorganizacije Kantonalnog suda za vrijeme prelaznog perioda, kako se utvrđuje Zakonom kojim se osniva Visoko sudsko i tužilačko vijeće. Navršenje starosne dobi propisne za obavezan odlazak u penziju za sudije Kantonalnog suda utvrđuje se Zakonom Federacije. Uslovi obavljanja funkcije, uključujući i imunitet za sudije Kantonalnog suda utvrđuju se Zakonom Federacije. Placa i druge naknade sudija ne mogu biti umanjene za vrijeme vršenja sudijske funkcije, osim kao posljedica disciplinskog postupka u skladu sa zakonom."

AMANDMAN XXXVII

Članovi 46. i 47. se brišu.

AMANDMAN XXXVIII

U članu 51. iza stava 1. dodaje se novi stav koji glasi:

Opcine na području Bosansko - podrinjskog kantona Goražde, osiguravaju da konstitutivni narodi i pripadnici Ostalih budu proporcionalno zastupljeni u općinskim organima vlasti. Takva zastupljenost će održavati popis stanovništva iz 1991. godine, do potpune provedbe ANEKSA 7 u skladu sa članom IX. 11. a. Ustava Federacije.

Stav 2. postaje stav 3.

AMANDMAN XXXIX

U članu 53. stav 3. mijenja se i glasi:

Mandat i postupak izbora članova Općinskog vijeća utvrđuje se Izbornim zakonom Bosne i Hercegovine.

Stav 4. se briše.

AMANDMAN XL

U članu 56. stav 2. tačke e. se briše.

AMANDMAN XLI

Član 57. mijenja se i glasi:

Općinski sudovi koji se mogu osnovati za područje jedne ili više općina imaju nadležnost u svim građanskim i krivičnim stvarima, osim ako Ustavom Bosansko - podrinjskog kantona Goražde ili Zakonom Federacije ili Zakonom Bosansko - podrinjskog kantona Goražde izvorna nadležnost nije dodjeljena nekom drugom sudu.

Općinski sudovi se osnivaju Zakonom Bosansko - podrinjskog kantona Goražde i finansira ih Kantonalna vlast.

Sudije općinskih sudova, uključujući i predsjednike sudova, odabira, imenuje, provodi disciplinski postupak protiv i smjenjuje Visoko, sudsko i tužilačko vijeće Federacije u skladu sa Zakonom.

Sudije općinskih sudova, imenuju se doživotno osim ako ne podnesu ostavku, ako se ne penzionišu ili ne budu smjenjeni od strane Visokog sudskog i tužilačkog vijeća u skladu sa zakonom.

Sudijama općinskih sudova isto tako može izuzetno prestati sudijska funkcija kao rezultat procesa odabira nakon reorganizacije općinskih sudova za vrijeme prelaznog perioda, kako se utvrđuje Zakonom kojim se osniva Visoko sudsko i tužilačko vijeće.

Navršenje starosne dobi propisane za obavezan odlazak u penziju za sudije općinskih sudova utvrđuje se zakonom.

Uslovi obavljanja funkcije, uključujući i imunitet, utvrđuju se Zakonom Federacije. Place i druge naknade sudija ne mogu biti umanjene za vrijeme vršenja sudske funkcije, osim kao posljedica disciplinskog postupka u skladu sa zakonom.

AMNDMAN XLII

U članu 59. stav 2. mijenja se i glasi:

Imovinom Bosansko - podrinjskog kantona Goražde upravlja Skupština Bosansko - podrinjskog kantona Goražde. Vlada Bosansko - podrinjskog kantona Goražde može raspolagati imovinom u okviru ovlaštenja koja joj Skupština Bosansko - podrinjskog kantona Goražde prenese posebnim propisom.

AMANDMAN XLIII

U članu 61. stavu 1. rijeci Predsjednika Bosansko - podrinjskog kantona Goražde "zamjenjuju se riječima" Vlade Bosansko - podrinjskog kantona Goražde.

U stavu 3. rijeci iza zareza zamjenjuju se riječima "ali je Vlada Bosansko - podrinjskog kantona Goražde o tome dužna redovno obavještavati Skupštinu Bosansko - podrinjskog kantona Goražde".

AMNDMAN XLIV

U članu 62. stav 1. mijenja se i glasi:

Amandmane na Ustav mogu predlagati Vlada Bosansko - podrinjskog kantona Goražde i većina poslanika u Skupštini Bosansko - podrinjskog kantona Goražde.

AMANDMAN XLV

Članovi 64.,65.,66.,67.,68.,69.,70. i 71. se brišu.

Broj: 01-01-369/03
Goražde,10.06.2003.god.

PREDSJEDAVAJUCI SKUPŠTINE

Dr. Alija Begovic